

Վարչության նախագահ՝

Ա. Բալայան



Ուժի մեջ է մտնում 05.03.2018թ.-ից

ԱՎԱՆԴԱՅԻՆ ՊԱՅՄԱՆԱԳԻՐ թիվ  
/իրավաբանական անձանց ժամկետային ավանդի/

ք.

20 թ.

«Արցախբանկ» ՓԲԸ /այսուհետ՝ Բանկ/, ի դեմս գործադիր տնօրեն-վարչության նախագահ \_\_\_\_\_, ով գործում է բանկի կանոնադրության հիման վրա/ում կողմից տրված լիազորագրի հիման վրա հանդես է գալիս \_\_\_\_\_/, մի կողմից, և \_\_\_\_\_, ի դեմս \_\_\_\_\_ ով գործում է կանոնադրության հիման վրա /այսուհետ՝ Ավանդատու/, մյուս կողմից, միասին՝ Կողմեր, կնքեցին սույն պայմանագիրը /այսուհետ՝ Պայմանագիր/ հետևյալի մասին.

**1. ԸՆԴՀԱՆՈՒՐ ԴՐՈՒՅՑՆԵՐ**

1.1 Բանկը ընդունում է Ավանդատուից դրամական միջոցներ /այսուհետև՝ Ավանդ/ և պարտավորվում սույն պայմանագրով սահմանված պայմաններով և կարգով Ավանդատուին վերադարձնել Ավանդի գումարը և հասանելիք տոկոսագումարը:

1.2 Ավանդատուն Բանկում ներդնում է ժամկետային ավանդ հետևյալ պայմաններով՝

|                                          |  |
|------------------------------------------|--|
| <b>Արժույթը՝</b>                         |  |
| <b>Ավանդի գումարը /թվերով և բառերով/</b> |  |
| <b>Տարեկան տոկոսադրույքը</b>             |  |
| <b>Ժամկետը /օր/</b>                      |  |
| <b>Ավանդի ձևակերպման ամսաթիվը</b>        |  |
| <b>Ավանդի վերադարձման ամսաթիվը</b>       |  |

1.3. Ավանդատուն իրավունք չունի ավելացնելու կամ նվազեցնելու Ավանդը 1.2 կետում նշված ժամկետում:

1.4. Ավանդատուն հանձնարարում է Բանկին սույն պայմանագրի կնքման օրը, Ավանդի գումարը ամբողջությամբ ելքագրել իր՝ Բանկում սպասարկվող թիվ \_\_\_\_\_ հաշվից /այսուհետ՝ Բանկային հաշիվ/ և մուտքագրել ավանդային հաշվին: Ավանդի վերադարձման օրը Բանկն Ավանդը փոխանցում է Ավանդատուի Բանկային հաշվին, որի դիմաց հաշվեգրվում է տվյալ պահին Բանկում գործող բանկային հաշվի համար սահմանված տոկոսադրույքը:

1.5. Եթե Պայմանագրով սահմանված ցանկացած գործառնության կատարման օրը համընկնում է ոչ աշխատանքային օրվա հետ, ապա տվյալ գործառնությունը կատարվում է ոչ աշխատանքային օրվան հաջորդող առաջին աշխատանքային օրը:

**2. ՏՈԿՈՍՆԵՐԸ ՀԱՎԵԼԱԳՐԵԼՈՒ ԵՎ ՎՃԱՐԵԼՈՒ ԿԱՐԳԸ**

2.1 Բանկը՝ ոչ ռեզիդենտ Ավանդատուների դեպքում, հանդիսանալով հարկային գործակալ, Ավանդատուի փոխարեն հարկային պարտավորությունները կատարելու նպատակով, Ավանդի դիմաց հաշվեգրված տոկոսագումարներից կատարում է գանձում:

2.2 Բանկն Ավանդատուին Ավանդի դիմաց տոկոսներ է վճարում սույն պայմանագրով սահմանված չափով:

2.3 Ավանդի գումարի վրա հավելագրված տոկոսները Ավանդատուին վճարվում են՝

Ամսական կտրվածքով՝ յուրաքանչյուր ամսվա -----ին

Ժամկետի վերջում

2.3.1 Ավանդի գումարի վրա հավելագրված տոկոսները փոխանցվում են Ավանդատուի բանկային հաշվին:

2.4. Ավանդատուին տոկոսագումարները վճարվում են Ավանդի արժույթով, բացառությամբ եթե Ավանդատուն տոկոսագումարի վճարման օրը ցանկություն է հայտնել արտարժույթային Ավանդի դիմաց հավելագրված տոկոսագումարները ստանալ << դրամով: Ընդ որում Արտարժույթային Ավանդի դիմաց հավելագրված տոկոսագումարները << դրամով վճարելու դեպքում փոխարկումն իրականացվում է տվյալ արտարժույթի համար վճարման պահին Բանկի կողմից սահմանված առքի փոխարժեքով:

2.5 Ավանդի գումարի վրա տոկոսները հավելագրվում են Ավանդը բանկ մուտք լինելու հաջորդ օրվանից մինչև այն Ավանդատուին վերադարձնելու օրվան նախորդող օրը:

2.6 Հաշվարկներում օգտագործվող տարվա օրերի քանակն ընդունվում է 365, իսկ նահանջ տարին՝ 366:

**3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**3.1 Բանկն իրավունք ունի՝**

3.1.1 ինքնուրույնաբար օգտագործել Ավանդի գումարը :

3.1.2. Ավանդատուի պահանջով ժամկետից շուտ Ավանդը կամ դրա մի մասը վերադարձնելու դեպքում լուծել սույն պայմանագիրը և կատարել տոկոսների վերահաշվարկ, Ավանդի դիմաց տոկոսագումարը վճարել վճարման օրվա դրությամբ Բանկում գործող ցպահանջ Ավանդի համար սահմանված տոկոսադրույքով և վերահաշվարկի արդյունքում գոյացած ու ավել վճարված գումարը գանձել Ավանդի գումարից:

**3.2 Բանկը պարտավոր է՝**

3.2.1 սույն պայմանագրով սահմանված ժամկետներում վճարել Ավանդը և հավելագրված տոկոսները,

3.2.2 Պայմանագրով նախատեսված կարգով և պայմաններով, Ավանդատուի առաջին իսկ պահանջով վաղաժամկետ հետ վերադարձնել Ավանդի գումարը կամ դրա մի մասը,

3.2.3 ապահովել ավանդային գործառնությունների գաղտնիությունը:

**3.3 Ավանդատուն իրավունք ունի՝**

3.3.1 տնօրինել իր ավանդային հաշիվը՝ ստանալ Ավանդը, տոկոսները և կատարել հաշվի հետ կապված այլ գործառնություններ՝ իր կողմից պատշաճ կարգով լիազորված անձանց միջոցով,

3.3.2. Բանկից պահանջել վերադարձնել Ավանդի գումարը և վճարել տոկոսներ՝ սույն պայմանագրով սահմանված չափով և կարգով:

**3.4.Ավանդատուն պարտավոր է՝**

3.4.1 պահպանել ավանդային գործառնությունների վերաբերյալ Բանկում գործող որոշումների և ընթացակարգերի պահանջները,

3.4.2 Պայմանագիրը կորցնելու, հասցեի, անվանման , Ավանդը տնօրինող իրավասու անձանց կամ կանոնադրության փոփոխության դեպքերում անմիջապես տեղյակ պահել Բանկին՝ ներկայացնելով համապատասխան փաստաթղթերը,

3.4.3. Ավանդը կամ տոկոսները ստանալիս Բանկ ներկայանալ համապատասխան ղեկավարի լիազորությունները և գումարը ստացողի անձը հաստատող փաստաթղթերով և սույն պայմանագրով:

**4.ԵԶՐԱՓՈՒԿԻՉ ԴՐՈՒՅԹՆԵՐ**

4.1 Սույն պայմանագիրն ուժի մեջ է մտնում ստորագրման և Ավանդի գումարը ավանդային հաշվին մուտքագրելու պահից:

4.2 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են օրենսդրությամբ սահմանված կարգով:

4.3 Սույն պայմանագրով չնախատեսված դրույթները կարգավորվում են օրենսդրությամբ սահմանված կարգով:

4.4 Սույն պայմանագրում լրացումները և փոփոխությունները, կատարվում են Կողմերի համաձայնությամբ՝ գրավոր ձևով, որոնք Կողմերի ստորագրման պահից կհամարվեն սույն պայմանագրի անբաժանելի մասը:

4.5 Սույն պայմանագիրը կնքված է 2 /երկու/ օրինակից, որոնք ունեն հավասար իրավաբանական ուժ: Յուրաքանչյուր կողմին՝ մեկական օրինակ:

| Բ Ա Ն Կ                                                                                                            | Ա Վ Ա Ն Դ Ա Տ ՈՒ                                                                                                  |
|--------------------------------------------------------------------------------------------------------------------|-------------------------------------------------------------------------------------------------------------------|
| <div style="text-align: center; margin-top: 100px;"> <hr style="width: 20%; margin: 0 auto;"/> <p>Կ. Տ.</p> </div> | <div style="text-align: center; margin-top: 100px;"> <hr style="width: 20%; margin: 0 auto;"/> <p>Կ.Տ.</p> </div> |